

〔三代實錄清和〕貞觀十六年二月廿三日癸丑左京人中原真人正基，賜姓清原。真人其先舍人親王之後也。

〔續日本紀文武〕慶雲元年十一月丙申，改從四位下引田朝臣宿奈麻呂姓，賜阿倍朝臣。

〔續日本紀聖武〕天平十八年十月丁卯，從四位下下道朝臣真備，賜姓吉備朝臣。

〔續日本紀聖武〕天平二十年十一月己丑，下道朝臣乙吉備，直事廣三人，並賜吉備朝臣姓。

〔續日本紀孝謙〕天平寶字元年閏八月癸亥，夫人正二位橘朝臣古那可智无位，橘朝臣宮子，橘朝臣麻

都賀又一作父正六位上橘朝臣綿裳，橘朝臣真姪，改本姓賜廣岡朝臣。

〔續日本紀淳仁〕天平寶字四年二月壬寅，從五位下石川朝臣廣成，賜姓高圓朝臣。

〔續日本紀稱德〕神護景雲二年十一月丙申，從五位上賀茂朝臣諸雄，從五位下賀茂朝臣田守，從五

位下賀茂朝臣萱草，賜姓高賀茂朝臣。

〔續日本紀稱德〕神護景雲三年五月庚辰，大和國葛上郡人正六位上賀茂朝臣清濱，賜姓高賀茂朝

臣。

〔續日本紀光仁〕寶龜十年三月戊午，從三位高麗朝臣福信，賜姓高倉朝臣。

〔日本後紀桓武〕大同元年正月壬午，左京人正七位上阿倍小殿朝臣真直，從五位下阿倍小殿朝臣真

出等，賜姓阿倍朝臣。

〔日本後紀嵯峨〕弘仁三年二月辛亥，左京人從五位下阿倍長田朝臣節麻呂，從七位上阿倍長田朝

臣高繼等八人，賜姓阿倍朝臣。

〔日本後紀嵯峨〕弘仁三年四月壬寅，右京人從七位上阿倍小殿朝臣大家，賜姓阿倍朝臣。

〔日本後紀嵯峨〕弘仁三年六月壬子，左京人從五位下秋篠朝臣上子，秋篠朝臣清子，右京人從五位

下秋篠朝臣室成，從七位上秋篠朝臣宅成等，賜姓御井朝臣。